



Concello
de Nigrán

ORDENANZA REGULADORA DO PREZO PÚBLICO POLA PRESTACIÓN DO SERVIZO DE AXUDA NO FOGAR (SAF)

**A N U N C I O**

Aprobada por resolución da alcaldía de data 6 de novembro de 2013 a liquidación da taxa pola prestación do servizo municipal de subministración ou abastecemento de auga en Mos, segundo consta no Padrón correspondente ó 2º bimestre do ano 2013, conforme ao disposto no artigo 102.3 da Lei 58/2003, de 17 de decembro, xeral tributaria aplicable á facenda das entidades locais en aplicación do disposto no artigo 12 do Real decreto lexislativo 2/2004 de 5 de marzo polo que se aprobou o texto refundido da lei reguladora de facendas locais, quedan expostas ó público durante o prazo de 15 días para o seu exame e reclamación por parte das persoas interesadas. O presente anuncio ten carácter de notificación colectiva ó abeiro do artigo 102 da Lei 58/2003 xeral tributaria.

Contra as débedas consignadas no Padrón contributivo e notificadas colectivamente mediante o presente anuncio, os interesados poderán interpor recurso de reposición perante o Concello de Mos no prazo dun mes a contar desde o día seguinte o de finalización do período de exposición pública do Padrón (artigo 14.2 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais).

De conformidade co previsto no artigo 12 do Real Decreto Lexislativo 2/2004, en relación cos artigos 24 e 25 do Regulamento Xeral de Recadación, R.D. 939/2005 do 29 de xullo de 2005, comunicáselle ós contribuíntes afectados que os recibos da taxa de auga van a ter o seguinte calendario de pago voluntario:

Do día 2 de decembro de 2013 ao 31 de xaneiro de 2014, ámbolos dous inclusive.

As taxas deberán satisfacerse, consorte co artigo 23 e seguintes do Regulamento Xeral de Recadación (R.D. 939/2005), a través das entidades bancarias Novagalicia Banco, Banco Galego, Banco Popular ou La Caixa, empregando os instrumentos de ingreso (recibos) que se enviarán ó domicilio declarado do contribuínte por correo ordinario. No caso de perda do devandito instrumento, o obrigado ó pagamento poderá, ata o último día hábil de pagamento do bimestre, obter un duplicado na oficina de Recadación do Concello de Mos.

Os contribuíntes que non tivesen recibido nos seus domicilios os instrumentos de ingreso, disporán do prazo ata o último día hábil de pagamento do bimestre para os solicitar na oficina indicada e efectuar-lo pagamento nas entidades bancarias indicadas, posto que a non recepción non exonera da obriga do pagamento e non impide a utilización da vía de prema.

O vencemento do prazo en período voluntario, sen ter sido satisfeita a débeda, determinará o comezo do procedemento executivo, a percepción da recarga correspondente e demais conceptos esixibles tal e como se fixan nos artigos 26, 28 e 161 da Lei 58/2003, Xeral Tributaria.

Lembráselles que poderán solicitar a domiciliación dos recibos en calquera entidade bancaria, bastando para elo cubrir o impreso de domiciliación que se lles facilitará na oficina de Recadación do Concello.

Mos, 6 de novembro de 2013.—A alcaldesa, Nidia María Arévalo Gómez.

2013010084

* * *

N I G R Á N

Aprobada a ordenanza reguladora do prezo público pola prestación do servizo de axuda no fogar (SAF) no Concello de Nigrán, en sesión ordinaria do Concello Pleno celebrada o día 31.10.2013, cumprindo o establecido no artigo 17.4 do Real Decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, así como o establecido na ordenanza xeral de prezos públicos do Concello de Nigrán (BOP num. 28, do 08.02.13), publícase o texto íntegro da ordenanza citada:

**ORDENANZA REGULADORA DO PREZO PÚBLICO POLA PRESTACIÓN DO SERVIZO
DE AXUDA NO FOGAR (SAF) NO CONCELLO DE NIGRÁN****ARTIGO 1. FUNDAMENTO.**

De conformidade co establecido nos artigos 41 a 47 e 127 do Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas locais, e na ordenanza xeral de prezos públicos do Concello de Nigrán (BOP número 28, do 08.02.13), establécese o prezo público pola prestación do servizo de axuda no fogar (en adiante, SAF).

ARTIGO 2. CONCEPTO.

O prezo público regulado nesta ordenanza constitúe unha contraprestación pecuniaria que se satisfará polos usuarios que voluntariamente soliciten a prestación do SAF (dependencia e libre concorrencia) e lles sexa concedida de acordo co previsto na lexislación aplicable e no regulamento do servizo.

ARTIGO 3. OBRIGADOS AO PAGAMENTO.

Están obrigados ao pagamento de prezo público regulado nesta ordenanza as persoas que se beneficien do SAF prestado polo Concello de Nigrán. No caso de que as persoas obrigadas ao pago carezan de capacidade de obrar, a obriga recaerá sobre quen ostente a súa representación legal.

ARTIGO 4. CONTÍA.

4.1 A contía do prezo público regulado nesta ordenanza para dependencia será o resultado de aplicar á capacidade económica referenciada ao indicador público de renda de efectos múltiples, IPREM, a táboa indicada no artigo 5.2 desta ordenanza.

4.2 A contía do prezo público regulado nesta ordenanza para libre concorrencia establécese en función do prezo/hora anualmente vixente para a prestación do servizo no contrato administrativo en vigor coa empresa que realiza o SAF no Concello de Nigrán, aplicando a táboa indicada no artigo 6.2 deste ordenanza

ARTIGO 5. DETERMINACIÓN DA CAPACIDADE ECONÓMICA E PARTICIPACIÓN NO FINANCIAMENTO DO SERVIZO DAS PERSOAS DEPENDENTES CON DEREITO DE ATENCIÓN RECOÑECIDO, USUARIAS DO SAF.

5.1 De conformidade co establecido no artigo 59 do Decreto 99/2012 do 16 de marzo coa redacción dada ao mesmo polo Decreto 149/2013, de 24 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, establécense os seguintes criterios para a determinación da capacidade económica e participación no financiamento do SAF polos seus usuarios:

5.1.1 A capacidade económica das persoas dependentes valoradas con dereito recoñecido de atención mediante o SAF, calcularase en atención a súa renda e, se é o caso, ao seu patrimonio. Teranse en conta, ademais, a renda e patrimonio do cónxuxe e a existencia de persoas convivintes, economicamente dependentes. Para o cálculo da citada capacidade económica, aplicaranse os criterios e regras da Resolución do 2 de decembro de 2008, da Secretaría de Estado de Políticas Sociais, Familia e Atención á Dependencia e Discapacidade, pola que se publica o Acordo do Consello Territorial do Sistema para a Autonomía Persoal e Atención á Dependencia, sobre determinación da capacidade económica do beneficiario e sobre os criterios de participación deste nas prestacións do SAF, así como ás normas regulamentarias promulgadas pola Xunta de Galicia que incorporen aquelas regras ao sistema galego de servizos sociais.

5.1.2 O resultado do cálculo da capacidade económica, correspondente ás persoas dependentes valoradas con dereito de atención recoñecido no SAF, constará na resolución do plan individualizado

de atención (PIA) que se desenvolva en cada caso, de conformidade co que establece o artigo 38 do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.

5.2 Participación no financiamento do servizo según o artigo 61 do Decreto 99/2012 do 16 de marzo (en función da capacidade económica referenciada ao indicador público de renda de efectos múltiples, IPREM):

Capacidade económica (referenciada ao IPREM) Até	Grao I	Grao II	Grao III
	<=20 h	<=45 h	<=70 h
100,00%	0,00%	0,00%	0,00%
115,00%	4,52%	9,61%	14,70%
125,00%	5,41%	11,50%	17,58%
150,00%	5,55%	11,79%	18,03%
175,00%	5,65%	12,00%	18,35%
200,00%	5,72%	12,16%	18,60%
215,00%	5,81%	12,34%	18,87%
250,00%	6,03%	12,82%	19,61%
300,00%	6,24%	13,26%	20,29%
350,00%	6,42%	13,63%	20,85%
400,00%	6,54%	13,90%	21,25%
450,00%	6,63%	14,09%	21,55%
500,00%	6,70%	14,25%	21,79%
>500 %	6,76%	14,36%	21,97%

5.2.1 Nos casos en que, por renuncia parcial expresa da persoa beneficiaria ao seu dereito de atención co número de horas expresada no PIA, ou cando por tratarse dun suposto de compatibilización do SAF con outro servizo ou prestación do catálogo as horas reais prestadas no SAF sexan inferiores á cantidade expresada en cada columna das táboas anteriores para o grao e nivel correspondente, a cantidade a pagar será minorada proporcionalmente á diminución das horas efectivas de servizo.

5.2.2 En ningún caso o importe da participación económica da persoa beneficiaria do SAF en concepto de copagamento poderá exceder o 90 % do custo do servizo determinado en termos de prezo/hora.

**ARTIGO 6. DETERMINACIÓN DA CAPACIDADE ECONÓMICA E PARTICIPACIÓN
NO FINANCIAMENTO DO SERVIZO DAS PERSOAS USUARIAS DOUTROS SERVIZOS
QUE IMPLIQUEN O COPAGAMENTO.**

6.1 De conformidade co establecido no artigo 60 do Decreto 99/2012 do 16 de marzo, no SAF prestado a persoas ou unidades de convivencia distintas ás referidas no artigo anterior, o cómputo da capacidade económica farase de acordo cos seguintes criterios:

6.1.1 Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2 da Lei 35/2006, do 28 de novembro, do Imposto sobre a renda das persoas físicas.

6.1.2 Computarase, así mesmo, o patrimonio neto de todas as persoas residentes na unidade de convivencia. Para estes efectos, enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do Imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións reguladas na Lei 19/1991, do 6 de xuño, do Imposto sobre o patrimonio, ao respecto da vivenda habitual e doutros bens e dereitos.

6.1.3 A capacidade económica calcularase sumando todas as rendas computables, modificadas á alza pola suma dun 5% de patrimonio neto en cómputo anual, e dividindo o resultado da suma entre o total de persoas que conviven no fogar.

6.2 Para a participación no custo do servizo do SAF básico en réxime de libre concorrència, para as persoas que non teñan recoñecemento da situación de dependencia, ou ás que non asista o dereito de acceso efectivo ao catálogo de servizos de atención á dependencia (de conformidade co establecido no artigo 62 do Decreto 99/2012 do 16 de marzo) segundo o calendario de implantación que se establece na Lei 39/2008, aplicarase a seguinte táboa que regula unha progresiva participación económica no custo do servizo en base ao cálculo da capacidade económica per cápita referenciada ao IPREM:

Capacidade económica referenciada ao IPREM	Participación no custo do SAF básico
$\leq 80 \%$	0,00%
$> 80 \%$ e $\leq 100 \%$	10,00%
$> 100 \%$ e $\leq 120 \%$	15,00%
$> 120 \%$ e $\leq 140 \%$	20,00%
$> 140 \%$ e $\leq 150 \%$	25,00%
$> 150 \%$ e $\leq 170 \%$	30,00%
$> 170 \%$ e $\leq 200 \%$	35,00%
$> 200 \%$ e $\leq 225 \%$	40,00%
$> 225 \%$ e $\leq 250 \%$	50,00%
$> 250 \%$ e $\leq 275 \%$	60,00%
$> 275 \%$ e $\leq 300 \%$	70,00%
Capacidade económica referenciada ao IPREM	Participación no custo do SAF básico
$> 300 \%$ e $\leq 350 \%$	80,00%
$> 350 \%$	90,00%

6.2.1 En calquera caso, establecerase un límite máximo de participación económica das persoas usuarias do 40 % da súa capacidade económica.

ARTIGO 7. OBRIGA DE PAGO.

7.1 A obriga de pagar o prezo público, nace, en xeral, desde que se inicie a prestación do servizo e deberá facerse efectivo de acordo coas seguintes normas de xestión:

7.1.1 Cada usuario (ou, se é o caso, o seu representante legal) está obrigado a depositar previamente o importe total mensual do prezo público en contas municipais nas entidades bancarias que designe o Concello, poidendo domiciliar o pago sen efectuar o depósito previo; domiciliación que autorizará o beneficiario (ou o seu representante legal) no momento da concesión do SAF e antes do seu comezo.



7.1.2. O prezo público mensual terá carácter irreductible.

7.1.3. Os servizos sociais do Concello remitirán á recadación, dentro dos cinco días do mes seguinte á prestación do SAF, a relación mensual de usuarios con especificación completa dos seus datos fiscais, número de horas de prestación do servizo, tarifa/hora, importe total a pagar por usuario, e documentos de domiciliación bancaria.

No suposto de suspensión temporal do servizo, sempre que a suspensión quede debidamente xustificada no expediente, o obrigado terá dereito á devolución da contía correspondente ao período de suspensión, se é o caso, e regularizarse na primeira mensualidade despois de reiniciarse o servizo. De non ser posible facelo así, procederase á devolución que no seu caso corresponda á conta indicada polo beneficiario na súa solicitude de prestación do SAF. En calquera caso será imprescindible o informe social da traballadora social, que se incorporará ao expediente individual/familiar.

7.2. Os usuarios do SAF están obrigados a comunicar por escrito os cambios producidos na súa situación persoal, social, familiar, económica, e patrimonial que incidan na prestación do servizo no prazo de 5 días desde que se produzan; debendo comunicar tamén por escrito a súa baixa ou suspensión voluntaria do servizo cun mínimo de 15 días de antelación, en caso contrario esixirase o pago total do prezo público.

7.3. A falta de pago de dúas cuotas mensuais consecutivas, ou de tres discontinúas nun período dun ano conlevará a interrupción da prestación do servizo e a declaración de baixa. A existencia de dúas ou máis interrupcións conlevará a supresión do servizo.

ARTIGO 8. MODIFICACIÓN.

A modificación do prezo público establecido na presente ordenanza efectuarase de conformidade co establecido ao respecto na ordenanza xeral de prezos públicos do Concello de Nigrán (BOP número 28, do 08.02.13).

ARTIGO 9. ENTRADA EN VIGOR.

Esta ordenanza entrará en vigor unha vez que se publique o seu texto íntegro no Boletín Oficial da Provincia, e transcorra o prazo establecido no artigo 65.2 da Lei 7/85 reguladora das bases do réxime local, e producirá efectos até a súa modificación ou derogación expresa.

Nigrán, 4 de novembro de 2013.—O Alcalde, Alberto Valverde Pérez.

2013010047

* * *

POIO

Resolución de Alcaldía

ASUNTO: DELEGACIÓN DE CELEBRACIÓN DE MATRIMONIOS CIVÍS.

Ditados autos firmes, con data 22 de outubro, autorizando a celebración de matrimonio civil pretendido entre Xulio Barreiro Lubián e María-Aparecida Costa.

Elixido por parte dos contraentes o Concello de Poio para a celebración e fixada a data para o día nove de novembro de dous mil trece, ás 13.30 horas no Casal de Ferreiros.

Ao xurdirme unha ocupación que me impide oficiar esta celebración; en virtude das atribucións que me atribúe a Lei 35/1994, de 23 de decembro, de modificación do Código Civil en materia de autorización do matrimonio civil polos alcaldes e as facultades de delegación recollidas no mesmo,